



序

古今山水詩明麗沉鬱推謝康樂杜少陵逮昌黎
坡公自闢堂奧一以妥貼排界一以玲瓏奇秀別
開生面四公性情與山水相副筆墨又與性情相
赴爭高競爽未易言也吾師安丘曹夫子以西清
名彥佐郡新安庚午晚秋公事之暇爲黃山游游
凡七日得詩三十七首余家阮溪在黃山之麓公
出山手授一帙予受而讀之紀程書事一歸簡淨
讀至登峰望海諸詩千態萬狀鯨呿鼉擲雲逗星



離不覺洞心駭目竟斷色飛一時驚濤驟馬搏鷲
藏龍舞袖峩冠戰陣鬼狩一切可喜可愕之事盡
出楮表予不禁作而歎曰此軒轅氏明堂朝會之
圖而百靈真宰駕行而鵠立者一經拈出吾知巨
靈夸娥必將幻爲赤文綠字勒之仙榜丹臺天龍
呵護觀止矣兼康樂少陵昌黎坡公之長細入無
間而一氣包舉力大而思深自尊其骨采性靈以
出於四公之外觀止矣昔伯牙學琴於成連至蓬
萊山刺船而去伯牙四望但聞海水汨沒山林窅

冥群鳥悲號仰天歎曰吾師乎移吾情矣余登山
者九追憶所見莫能名狀讀此一編謂之始到黃
山可也吾師移吾情矣新安受業汪士鋌纂

黃山紀遊詩

北海 曹貞吉 實庵

過潛口飲汪扶晨齋頭同吳勇公兒霖

冒雨看山未擬回
欹斜席帽晚風催
故人忽返三鄣路
絳蠓纔燒幾寸灰
作達可能駕嵇呂
高談已許儷鄒枚
遙知紅樹峯頭滿
遲女光明頂上來

初望見天都雲門諸峯

拔地驚天萬仞峯
仙人掌上現芙蓉
自疑飛鳥飛難到
明日翛然杖一筇

昨宵夢破三更雨今日晴奔萬壑雷自是山靈慰
岑寂故教青峭一時來

千林紫翠變朝昏刈稻人忙水竹村過眼兜羅纔
一現匆匆又似閉桃源

浴溫泉

堯時十日出百穀皆焦毀后羿彎弧射九鳥墮地
死其精爲溫泉千年盪邪穢茲山蘊靈異一勺良
詖詭我聞古至人丹成藏於此蕩滌石乳流時吐
硃砂藎一濯清肺肝再濯易毛髓豈惟區聖凡實

乃禱神鬼陋彼華清宮恩波浴肥婢

白龍潭觀瀑有懷吳耳公

白龍潭中潛龍子鳴綠粼粼石齒齒千雷萬霆激
迴飈日夜砰訇聒兩耳塌來亭上立多時對面人
語難得知景鐘無射中律呂鈞天之響非人爲閣
名狎浪誰敢狎萬仞懸流勢崩壓伯昏無人不可
遇晴日冷風吹白袷赤甲瞿塘當我前泠泠三峽
聞飛泉桃源主人跨驢返打頭黃葉心茫然襍花
滿地成秋色溜雨青苔步欹側扶筇彳亍過石梁

黃山紀遊詩
二
回首空潭莽蕭瑟

初至慈光寺瞻禮四面佛

範銅形模古金仙陰沉紺宇常巍然千佛萬佛七
級懸一萼一柎垂青蓮南北東西序弗愆須彌芥
子何虧全烏斯藏裏法不傳鬼工能造摩支天思
齊太任女聖賢擬將法寶藏雲烟長樂宮中尺一
宣神光先照黥山巔毘沙修羅左右旋霓旌絳節
紛鈎連長安驛路直如絃慈航忽送錢江邊龍君
鬼伯相後先作禮圍繞聲嘶酸慈光名寺今百年

普門願力三生綠黃金布地有人焉余生恨未達
真詮作歌翻似聲聞禪

賦贈中洲大和尚

名山端不負禪栖白足僧來杖一藜塵尾亂隨花
雨落經聲猶帶浙潮低香聞木樨知無隱指豎天
龍自不迷便欲與師分佛火門前立雪到腰齊

普門和尚內賜金鉢

西方之聖人偏袒赤兩脚乞食舍衛城一鉢隨所
托初祖來震旦信器傳心各吾師闢精廬健足走

京洛擊柝繞宮墻響振重門鑰玉食分尚方伊蒲
恣大嚼盃盂出內賜寒芒射廊閣聲似玉琅敷色
勝金鑿落師去幾何年晶光還閃爍兒孫等頭目
護惜關今昨法侶洵有人捧禮三嘆作

內賜銀字經爲松雪書

舊識王孫筆銀泥落紙勻空山藏秘笈貝葉重文
人侍從餘清暇揮毫動紫宸悠悠三百載戈法尚
如新

爲念七司戶逢時上玉堂雕龍新事業離黍舊門

墻珠氣驚縫掖銀鈎護法王何年辭大內曾惹御
爐香

內賜袈裟

不讀華嚴經安知佛富貴七寶供檀施纓絡光委
地無縫天人衣細細排珠璣普公荒黠山此衣出
內製慈寧春晝晴針神勞位置千佛繞其身七條
圍舍利一一白鶴飛朶朶青蓮綴當年辭九重捧
持走中尉迄今逾百載猶帶旃檀氣緬惟古德尊
體貌何雄毅說法空山中偏袒露右臂夜淡百靈

集是人非人類大衆頭如鼇作禮生怖畏今疊一
空箱神龍尚呵衛儒門愧淡薄孰敢當其位

藤杖

珍重住山老穿雲杖一條如聞獅子吼聲落海門
潮行藥林中太閒尋草撥苗好留伴塵尾風雨夜
蕭蕭

老人峯

繡壁峻嶒萬仞孤攀蘿直上一筇扶老人與我俱
頭白神鼎刀圭乞得無

天都峯下看紅葉

青鞋未到散花塢選勝端宜在此中一片明紅驚
照眼不知是柏是丹楓

纔自桃花源上回三秋那得有花開天門一望堪
愁絕疑換人間甲子來

迎送松

一松迎我來一松送我去不如住山僧樸遯忘禮
數

閱盡往來人只似長亭柳冰雪作鬢眉何曾驚老

醜

浮雲朝夕更雙松尚如故却笑遊山人頭上生松樹

望天都峯

三天子鄣信奇絕天都更是諸峯長目斷穹窿不可極鳥飛亦作枋榆捨風雷只到半山腰下界陰沉上宣朗不無跌宕走猿猱亦或幽深藏魍魎黛色止堪供圖畫蠶叢誰敢萌向往月明定復聞笙鶴露下自應流沈澹遙傳軒后此調御是耶非耶

逮今曩萼嶽蒼龍脚不到伯仲名山理亦儻想像諸天大和會金支玉節羅仙仗如有三公赤鳥朝不殊五岳明堂饗安期羨門等階砌肩摩日月天爲黨草衣道士爲余說絕頂憑陵足心賞北固金焦指顧間江流一綫爭尋丈長干浮圖塔頂圓三吳三楚平如掌今年高秋乘興來拚當芒屨着幾緡凡軀未能借羽翮矯首烟霄餘悵惘盧敖九節那可求海上神山空髣髴縱饒雲氣盪胸臆豈有仙靈生盼蠻何來天馬行馭娑鳥語不聞山樂響

高臥玉屏兩足疲自忘身在青冥上

過小心坡

昔人亦有言臨淵而集木側身天地間安往不嚴
鯨吾生飽憂患路比羊腸曲夙等王陽畏未效阮
公哭今日復何日探此萬仞谷一髮走青冥百折
入幽獨足垂二分強寸進還寸縮耳目不暇營累
我腰與腹誰能作蛇行差堪學蟻伏驅命爭毫末
神志得清淑撒手愧老禪聊復縱遐矚

臥龍松歌

黃山有松皆不俗一枝兩枝等朱珊輪輪囷囷各
異態不沾寸土精神完我來九月劇蕭撼震盪勇
氣凌高寒紅葉滿山飽秋雨諸松俱在青雲端鼓
衰力竭不得上忽驚神物當空蟠澗壑陰森足冰
雪此松偃蹇無凋殘朱鱗火鬣具頭角土花繡澁
莓苔斑出爲霖雨亦何有千秋濃睡風雷慳鼎湖
騎汝去不返爭乃復臥青冥間我踞松上歌一闋
天門積翠常湯湯

度一綫天

鳥飛不到玉屏峯千古微存日月踪
路濕飽經霜信雨雲歸常護臥龍
松五丁鑿處陰厓險雙屐來時翠
靄重嗚咽泉聲生晝冷披裘六月
可能從

登立雪臺看後海一帶諸峯

玉屏秀削如崇墉寒風颯沓無春
冬衆山拱揖作環衛天都正踞南
天中立雪臺前松聲起動搖爪距
森虬龍支離拳曲學嫗蓋孤鶴聳
立姿璣璫雙眼及茲得一放諸峯
倒影來相從儼如萬靈集北闕大
冠長劍容能恭軒皇負宸待朝會
東序西序

懸鐘鏞浮丘容成左右相龐眉皓
首臨崆峒又如當年戰涿鹿雨師
風伯驅豐隆旌旄幢節不可紀前
茅後勁光熊熊直北有山更青峭
石筍刺破蒼烟空幾枝瘦玉各林
立羣真初下蓬萊宮我疑造物無
有此偶爾作戲哀龍鍾所惜蓮花
亘西障雙繭登頓憂籠從要當蹴
蹋金鼇脊發狂大叫驚青童

宿文殊院同中洲和尚勇公夜話

置身千盤上顛氣倍清肅珠斗垂
闌干眉月照幽

黃山紀遊詩
獨青女寒作花白雲夜留谷茫茫海濤中吾徒此
棲宿居士富奇情塵尾聲謾謾老衲話無生跌坐
等枯木舌本饒青蓮跌宕如珠玉繫余塵土士未
辦機鋒速妙義聆三車高談折五鹿詎期牛火旁
領此半芋福永夜響天風疾威吹板屋布被各蒙
頭匡床眠午熟

文殊院觀鋪海歌

蓬萊閣外海作山文殊院下山爲海神物由來不
易逢天爲吾徒澆塊磊白雲一片湧空濛眼底干

峯皆杳靄只疑渾沌開窮荒或有風雷泣真宰瀕
洞得無憂懷裏帆檣似欲歌欵乃鼉身一抹映天
黑鯨波萬里連渤澥天都可作員嶠蓮蕊蓮花
餘蓓蕾似宜騰擲走蛟龍詎容細瑣藏蚌瓣過眼
一洗碧琉璃驚風猛浪嗟何在仙人作劇太神奇
頓還舊觀那足駭

蓮花峯

我聞花開十丈藕如缸太萼頂上何便娟又聞給
孤圍邊功德木五色蓮花世無比兩者余嘗夢見

黃山紀遊詩
九
之不道蓮峯奇若此遊人歷歷到花鬢夜羨多宿
蓮花村冷光朝暮相激射餐霞飲露神仙徒干松
萬松破石出磴道高懸勢矧碑俯看蓮蕊纔及肩
菌萐何時與花匹雲梯百步在眼前海門落日爭
新鮮鼇魚洞口莽昏黑散花塢下丹楓妍惟有天
都堪並蠹諸峯鶴立皆臣僕老人偃僂吁可笑高
撐孤髻山之足濃翠霏霏衣袖中排空御氣如飛
蓬路人驚我白雲出老夫適謁浮丘公

祥符寺捧讀印我大師血書華嚴經

古之賢聖人身過無留跡何以萇弘血三年而化
碧精誠動天地形象不能隔頗聞明中葉異僧弘
願力舌上青蓮花散爲百千億以血代墨瀋血盡
舌不坼八十一卷中字字黃金色結澆何莊嚴行
間少欵仄好手鄭居士繪彼極樂國法界逮修羅
維摩兼帝釋天人龍鬼衆呵護乃其職非具大神
通曷就此功德下士學膜拜歌詠善知識但期捫
吾舌未敢圖作佛

觀羅念庵先生題壁

誰教墨海走生虬
蹴浪翻雲未肯休
非佛非仙公自在
孤行健筆亦千秋

水晶庵看蕭尺木畫

二幀皆作雪景

處士風流鸞鶴姿
強阿凍筆寫漣湏
何人擁鼻吟詩苦
好是江干夜雪時

當年曾貌峨眉雪
太白樓高特地寒
今日水晶庵裏見
江天萬里白漫漫

佛子庵贈師古上人

阿師結制處
修竹半籬斜
滿地堆黃葉
無人掃落

花容溪秋漸老
山客病思家
猶帶烟霞氣
逢君一

鬪茶

悄悄禪榻靜
澹澹夕陽間
小試紅絲硯
俄看破墨山
塵中存畚畫
物外得荆關
更愛微吟好
吟成刻

竹間

上人爲余作畫甚佳

答熊封見贈之作

出門惟跨一青驢
細雨斜風勝索居
幾載似逃文字劫
茲行擬返薜蘿初
神仙未敢期溟泮
老懶從教暫破除
無那世塵消不得
頓令七日別華胥

乍入仙都眼界生最高寒處少人行雲中孤鶴同
心跡洞口長松解送迎唵對千峯斜照色夢回三
日海濤聲與君俱作軒皇隸橫墜罡風爾許情

答吳雲逸

結伴雨中松雲托契淡十年引清夢三日坐香
林山靜那知歲泉幽時可尋逢僧黃葉路談笑亦
無心

後海何曾到探奇志未償蓮峯愁落日鼇背恹新
霜仙路隔霄漢天風吹渺茫感君相念甚持贈詎

能忘

送 寶菴先生遊黃山二首 靳治荆

銳意探幽足勝情何嫌疎雨灑行旌去時令子
追隨行到日高僧談笑迎嵐翠霽來襟共爽溫
泉浴罷體尤輕今朝六六峯頭路定見雲鋪兩
海平

九月難逢朔日晴芙蓉特地爲公青拖藤應過
巢雲洞瞠目還依響雪亭石鼎煮泉秋寂歷松
窗欹枕夜清泠陳王八斗元無敵鷓鳳唵成轉

可聽

送 實菴夫子遊黃山五首 吳啟鵬

小隊出城下山行
趁好秋杖穿紅樹
遠屐蹋白雲稠
靜裏聽松籟喧
時看瀑流知公吟
眺久喜色動林丘

記得桃源路人從石腹
尋雲中危磴接天畔
亂峯侵潭湧疑龍出
風高曠鶴吟草亭宜
小憩響雪有清音

須到天都麓
停眸始欲驚
桃花卓地起
蓮蕊入

雲撐泉細分
苔去松多破
石生嶙峋
看海市峯

頂一舟橫

桃花蓮蕊二峯在蓮花之前後石船在蓮蕊峯頂

鰲魚洞口望西去
是丹臺秋葉
此中好暮雲
時往來羣峰攢
一壑孤月逼
三台莫漫登
臨嘯蒼猿樹裏哀

奇逢險處得趣
向畏中生峰際
橋須渡巖前
壁可行人來
松頂坐雲走
足邊橫
此理真難識
公歸細論評

國

武庫系進言

三



